



Ang unang mga dalaga nga sister gi-set apart aron moserbisyo isip mga misyonaryo nga mag-proselyte.



Ang Relief Society Magazine naglangkob og mga diskurso, makapadasig nga mga sugilanon ug mga balak, mga biography, ug pangkasayuran nga mga artikulo, lakip ang binulan nga mga plano sa leksyon.

Ang Social Services Department sa Simbahan mao ang unang bersyon sa LDS Family Services ug LDS Humanitarian Services karon.

Church welfare program gitukod niadtong 1936.



Mga sinina, pagkaon, ug liboan ka mga quilt nga gihimo sa mga sister sa Estados Unidos ug Canada gipadala aron sa pagtabang sa mga Santos sa Europa human sa gubat.

1896

Ang Utah nahimong estado.

1898



1900


1902

Ang unang handbook sa Relief Society gimantala, nga adunay kasaysayan, mga pakig-pulong, ug mga instruksyon.

BATHSHEBA W. SMITH
1901



Unang editor, Susa Young Gates.



1914

Ang Relief Society Magazine gisugdan sa pagmantala. Ang Woman's Exponent natapos sa pagmantala.

EMMELINE B. WELLS
1910



1918

Ang mga trigo sa Relief Society gibaligya ngadto sa gobyerno sa Estados Unidos.



CLARISSA S. WILLIAMS
1921

1921

Ang Relief Society nagtutok sa pagpakunhod sa gidaghanon sa mga namatay nga manganakay nga inahan ug mga masuso.



Aron matabangan ang Utah nga makabenepisyo sa Sheppard-Towner Act sa 1921, si Amy Brown Lyman milansar isip Kongresista sa Estado ug midaog niadtong 1923. Ang tumong sa Sheppard-Towner mao ang pagpakunhod sa gidaghanon sa mga namatay nga manganakay nga inahan ug mga masuso. Si Sister Lyman mikoordinar sa mga programa sa gobyerno ug Relief Society. Pagka-1928 kini nga mga paningkamot mipakunhod og 19 porsyento sa gidaghanon sa namatay nga mga masuso ug 8 porsyento sa gidaghanon sa namatay nga manganakay nga mga inahan.

1930

LOUISE Y. ROBISON
1928



1936



1940

Ang mga sakop sa Relief Society mihatag og kahupayan niadtong naapektuhan sa gubat.

AMY B. LYMAN
1940



Ang

Social Services

Department giestablisar ni Amy Brown Lyman niadtong 1918 ubos sa pagdumala sa Presidente sa Simbahan nga si Joseph F. Smith (1838–1918). Si Sister Lyman miorganisar og mga kurso sa pagbansay sa mga sakop sa Relief Society sa propesyunal nga pamaagi sa social work. Sa nag-unang katuigan sa Dakong Depresyon, ang departamento nakatabang sa daghan kaayong mga tawo ug nakigsabut sa lokal ug federal nga mga opisyal sa gobyerno sa pag-apud-apod og hinabang ngadto sa nanginahanglang.

mga babaye nga nakita [ni Presidente Kimball]! . . .

“ . . . Kita nagkinahanglan og mga babaye nga adunay lig-ong panabut sa doktrina ni Kristo. . . . Nagkinahanglan kita og mga babaye kinsa nasayud kon unsaon sa paggamit sa gahum nga giandam sa Dios alang sa mga nagtuman sa pakigsaad. . . . Nagkinahanglan kita og mga babaye nga adunay kaisug ug panglantaw sama sa atong Inahan nga si Eva. . . .

“ . . . Mohangyo ko ninyo sa pagtuman sa panagna ni Presidente Kimball. . . . Kon buhaton ninyo kini, ang Espiritu Santo mopalambo sa inyong impluwensya sa dili ordinaryo nga paagi!”

Sister Reeves: Kitang tanan “mga anak nga babaye sa atong Langitnong Amahan, kinsa nahigugma kanato, ug kita nahigugma Kaniya.”¹⁰ Sa Relief Society, inyong makaplagan nga mas magkaparehas kita kay sa managlahi. Sama pananglit, kitang tanan anaa sa kalibutan nga adunay social media, advertising, ug kalibutanon nga mga ehemplo. Ang kalibutan ang nagdeterminar sa bili sa mga babaye. Ang pagkumpara sa atong kaugalingon sa unsay atong nakita ug nadungog sa kalibutan makahimo kanato nga mobati nga angay kitang mahimo nga sama niini. Karon labaw sa tanan,

kinahanglan natong hinumduman tanan nga ang atong bili nagagikan sa pagkahimong anak nga babaye sa Dios—dili gikan sa unsay gihulagway sa kalibutan nga kita angayng mahimo. Ang atong kalig-on naggikan sa atong relasyon sa atong Amahan sa Langit, sa atong Manluluwas, ug sa usag usa isip mga sister sa ebanghelyo. Gamita kana nga kalig-on.

Sister Stephens: Mga batan-ong babaye, ang Dios nagkinahanglan kaninyo ug kami nagkinahanglan kaninyo. Kamo ang bag-o nga henerasyon nga gipakatawo nga may kalig-on nga kusganong mobarug batok sa mga hagit niining ulahing mga adlaw. Apil kanamo samtang mahimo kaming mga babaye nga nakasabut ni Jesukristo ug sa Iyang Pag-ula, mga babaye nga mohimo ug motuman sa sagradong mga pakigsaad, ug mga babaye nga motrabaho diha sa pakighiusa sa usag usa ug sa mga lider sa priesthood. Usa ka panalangin nga mahimong babaye sa bisan unsang edad diha sa Simbahan ni Jesukristo sa mga Santos sa Ulahing mga Adlaw karon. Atong ipakigbahin ang atong mga pagpamatuod kon si kinsa kita ug kinsa kita sa umaabut. Atong ipakigbahin ang atong mga mensahe sa hingpit nga kalipay, nga magmaya sa usag usa!



5. Nganong importante man alang sa mga tighupot sa priesthood ug mga sister sa Relief Society nga maghiusa sa pagtrabaho?

Sister Burton: Ang mga lalaki ug mga babaye adunay mga tahas nga naghingpit sa usag usa. Ang matag usa kanato adunay talagsaon nga mga gasa ug mga talento nga ikatampo sa buhat sa gingharian ug sa paglig-on sa usag usa. Ang kababayen-an maoy katunga sa mga kapanguhaan sa Ginoo, mahinungdanon sa buhat. Nagdala kita og panglantaw ug tinguha nga makatampo sa pagtukod sa gingharian nga nagsugod kang Eva, nagpadayon diha kang Sara, Rebekah, Ester, Maria, Elisabet, Emma, Eliza, ug ubang maisug nga mga sister niining katapusang dispensasyon ug sa karaang panahon.

Kon maghunahuna kita sa gahum ug impluwensya, ang gahum kasagaran dunay kalabutan sa gahum sa priesthood. Apan ang impluwensya sa matarung nga babaye nagdala usab og dakong gahum. Ang sama nga mga hiyas nga gihisgutan sa Doktrina ug mga Pakigsaad 121:41 nga nagdapit sa gahum sa priesthood mao ang samang mga hiyas nga nagdapit sa gahum sa impluwensya sa usa ka babaye—“pagdani,” “pagkamainantuson,” “kalumo ug kaaghup,” ug “tiunay nga paghigugma.” Kini nga mga butang tiunay diha sa atong diosnong kinaiya, ug pinaagi niini duna kitay oportunidad nga kusganong makaimpluwensya sa uban sa maayong mga paagi.